

Na osnovu člana V tačka 3.d)Ustava Bosne i Hercegovine, Predsjedništvo Bosne i Hercegovine na 53. sjednici, održanoj 21.jula 2004. godine, donijelo je

ODLUKU

O RATIFIKACIJI SPORAZUMA IZMEĐU BOSNE I HERCEGOVINE I VLADE REPUBLIKE FRANCUSKE O UNAPREĐENJU I RECIPROČNOJ ZAŠTITI INVESTICIJA

Član 1.

Ratificuje se Sporazum između Bosne i Hercegovine i Vlade Republike Francuske o unapređenju i recipročnoj zaštiti investicija, potpisani u Parizu 11. decembra 2003. godine na bosanskom, hrvatskom, srpskom i francuskom jeziku, po dobitnoj saglasnosti Parlamentarne skupštine Bosne i Hercegovine na osnovu Odluke PS BiH broj 63/04 od 29. juna 2004. godine

Član 2.

Tekst Sporazuma glasi

SPORAZUM

IZMEĐU BOSNE I HERCEGOVINE I VLADE REPUBLIKE FRANCUSKE O RECIPROČNOM POTICAJU I ZAŠTITI INVESTICIJA

Bosna i Hercegovina i Vlada Republike Francuske, (u daljem tekstu: Ugovorne strane),

U želji da ojačaju ekonomsku saradnju između obje Ugovorne strane i stvore povoljne uvjete za bosansko-hercegovačke investicije u Francuskoj i francuske investicije u Bosni i Hercegovini,

Uvjerenivši se da će poticaj i recipročna zaštita takvih investicija doprinijeti stimulaciji transfera kapitala i tehnologije između dviju Ugovornih strana i u interesu njihovog ekonomskog razvoja,

Sporazum jele su se kako slijedi:

Član 1.

Definicije

U svrhu ovog Sporazuma:

1. Izraz "investicija" označava svaku vrstu sredstava, kao što su robe, prava i kamate bilo koje vrste, i posebno, mada ne isključivo:

- pokretnu i nepokretnu imovinu, kao i bilo koje drugo stvarno pravo kao što su hipoteke, retenciona prava, plodouživanja, jemstva i slična prava;
- udjele, premije na udjele, dionice i druge oblike učešća, uključujući manjinske i indirektnе oblike, u kompanijama osnovanim na teritoriji jedne Ugovorne strane;
- novčana potraživanja, obveznice i pravo vlasništva nad bilo kojim legalnim izvršenjem koje ima ekonomsku vrijednost;
- prava intelektualne, komercijalne i industrijske svojine kao što su autorska prava, patentni, licence, trgovачki znaci, industrijski uzorci i modeli, tehnički procesi, znanje i umijeće i trgovčika imena;
- poslovne koncesije date zakonom ili po ugovoru, uključujući koncesije za istraživanje, uzgajanje, ekstrakciju ili eksploataciju prirodnih resursa, uključujući i one koje su locirane na pomorskom području Ugovornih strana.

Ovaj sporazum će se primjenjivati na investicije izvršene prije ili poslije njegovog stupanja na snagu od strane investitora bilo koje od Ugovornih strana na teritoriji druge Ugovorne strane. Međutim, ovaj sporazum se neće primjenjivati na dogadaje ili sporove koji su nastali prije njegovog stupanja na snagu.

Bilo koja promjena oblika u kojem su sredstva investirana ili reinvestirana neće utjecati na njihovu kvalifikaciju kao investicija, pod uvjetom da takva promjena nije u suprotnosti sa zakonodavstvom Ugovorne strane na čijoj teritoriji ili pomorskom području je izvršena investicija.

2. Izraz "investitor" označava:

- U odnosu na Republiku Francusku:
 - fizička lica koja posjeduju državljanstvo Republike Francuske;

(ii) pravna lica osnovana na teritoriji Republike Francuske u skladu sa njenim zakonodavstvom i koja imaju svoj glavni ured na teritoriji Republike Francuske, ili su kontrolirana direktno ili indirektno od strane državljana Republike Francuske, ili od strane pravnih lica koja imaju svoj glavni ured na teritoriji Republike Francuske i osnovana su u skladu sa zakonodavstvom Republike Francuske.

b) U odnosu na Bosnu i Hercegovinu:

- fizička lica koja uživaju status državljana Bosne i Hercegovine prema zakonima koji su na snazi u Bosni i Hercegovini, ako imaju prebivalište ili glavno mjesto poslovanja u Bosni i Hercegovini;
- pravna lica osnovana u skladu sa važećim zakonima u Bošnji i Hercegovini čije se registrirano sjedište centralna uprava ili glavno mjesto poslovanja nalaze na teritoriji Bosne i Hercegovine.

3. Izraz "prihodi" označava sve iznose dobivene od neke investicije, u toku određenog perioda, kao što su profitti, rojaliteti, kamata, dividende, prihodi od kapitala, licencne naknade, druge naknade.

Prihodi od investicija, i u slučaju reinvestiranja, prihodi od reinvesticija uživaju istu zaštitu i isti tretman kao investicija.

4. Izraz "teritorija" označava:

a) U odnosu na Republiku Francusku: teritoriju Republike Francuske, kao i njeni pomorsko područje, u daljem tekstu definirano kao ekonomika zona i kontinentalni pojas koji se nastavljaju na teritorijalno more Republike Francuske nad kojim Republika Francuska ima u skladu sa međunarodnim pravom suverena prava i jurisdikciju u svrhu traženja, eksploracije i očuvanja prirodnih resursa.

b) U odnosu na Bosnu i Hercegovinu: svu kopnenu teritoriju Bosne i Hercegovine, njeni teritorijalno more, svu površinu, podzemlje i zračni prostor iznad, uključujući bilo koju pomorsku oblast smještenu za teritorijalnog mora Bosne i Hercegovine, koja je prema zakonu Bošnje i Hercegovine, a saglasno međunarodnom pravu, označena kao područje unutar kojeg Bosna i Hercegovina može vratiti prava u odnosu na morsko dno i podzemlje i prirodne resurse.

Član 2.

Obim primjene Sporazuma

- Ovaj sporazum će se primjenjivati na teritoriji svake Ugovorne strane kako je ona definirana u članu 1. stav 4.
- Ništa u ovom sporazumu neće biti sačinjeno tako da sprječi bilo koju Ugovornu stranu da poduzme bilo koju mjeru da regulira investiciju stranih kompanija i uvjete aktivnosti ovih kompanija u okviru mjera koje su namijenjene da održavaju i promoviraju kulturno-školske i lingvističke raznolikosti.
- U svrhu ovog sporazuma, podrazumijeva se da su Ugovorne strane odgovorne za akcije ili propuste njihovih javnih institucija, uključujući mada ne isključivo, njihovih eniteta, regija i lokalnih vlada, nad kojima Ugovorna strana vrši kontrolu, predstavlja se ili je odgovorna za svoje međunarodne poslove,

ili svoju suverenost u skladu sa njenim unutarnjim zakonodavstvom.

Član 3.

Poticaj i dopuštanje investicija

Svaka Ugovorna strana će poticati i dopuštati na svojoj teritoriji i pomorskom području, u skladu sa svojim zakonodavstvom i odredbama ovog sporazuma, investicije izvršene od strane investitora druge Ugovorne strane.

Član 4.

Zaštita investicija

1. Svaka Ugovorna strana će osigurati pošten i pravedan tretman, u skladu sa principima međunarodnog prava, na investicije izvršene od strane investitora druge Ugovorne strane, na svojoj teritoriji ili pomorskom području, i garantirat će da vršenje takо priznatih prava ne bude spriječeno zakonom ili u praksi. Posebno ali ne isključivo, smatrat će se *de jure* ili *de facto* preprekama poštenog i pravednog tretmana, bilo kakvo ograničenje kupovine ili transporta sirovina i pomoćnog materijala, energije i goriva, kao i sredstava za proizvodnju i iskorištenje svih tipova, bilo koja prepreka prodaji i transporta proizvoda u i van zemlje, kao i bilo koje druge mјere koje imaju sličan efekat.
2. U okviru svojih unutarnjih zakonodavstava, Ugovorne strane će blagonačlono razmotriti zahtjeve za ulazak i dozvolu za boravak, rad i putovanje izvršeno od strane državljanja jedne Ugovorne strane u vezi sa investicijom izvršenom na teritoriju ili pomorskom području druge Ugovorne strane.
3. Nijedna Ugovorna strana neće ni na koji način diskriminatorskim mjerama, ometati proširivanje, upravljanje, održavanje, korištenje, uživanje ili otudivanje, na svojoj teritoriji, investicijama investitora druge Ugovorne strane.

Član 5.

Nacionalni tretman i Tretman najpovlaštenije nacije

Svaka Ugovorna strana će na svojoj teritoriji i pomorskom području odobriti investitorima druge Ugovorne strane, u odnosu na njihove investicije i aktivnosti koje se odnose na investicije, tretman ne manje povoljan od onog koji je odobrila svojim investitorima, ili tretman odobren investitorima najpovlaštenije nacije, ukoliko je ovaj drugi povoljniji. U tom pogledu, državljanini koji imaju dozvolu za rad na teritoriji ili pomorskom području jedne Ugovorne strane uživat će materijalne olakšice koje se odnose na obavljanje njihovih profesionalnih aktivnosti.

Međutim, ovaj tretman neće uključivati privilegije ili prednosti odobrene od strane jedne Ugovorne strane investitorima države treće strane po osnovu njenog članstva ili pridruživanja bilo kojem postojećem ili budućem području slobodne trgovine, carinskoj uniji, zajedničkom tržištu ili bilo kojem drugom obliku regionalne ekonomike organizacije ili sličnog međunarodnog sporazuma u kojem je Ugovorna strana članica ili to može postati.

Odredbe ovog člana se ne primjenjuju na pitanja oporezivanja.

Član 6.

Eksproprijacija i kompenzacija

1. Investicije izvršene od strane investitora jedne Ugovorne strane uživat će punu i kompletnu zaštitu i sigurnost na teritoriji i pomorskom području druge Ugovorne strane.

2. Nijedna Ugovorna strana neće poduzeti bilo kakve mјere eksproprijacije ili nacionalizacije, rekvizicije ili bilo kakve druge mјere koje imaju efekat eksproprijacije ili izvlaštenja (u daljem tekstu: eksproprijacija ili izvlaštenje) investicija investitora druge Ugovorne strane, na njenoj teritoriji i u pomorskom području, izuzev u javnom interesu povezanom sa unutarnjim potrebama i po propisanom pravnom postupku i pod uvjetom da takve mјere nisu diskriminatorske niti u suprotnosti sa posebnim obavezama.

Bilo kakve mјere "eksproprijacije ili izvlaštenje" koje bi moglo biti poduzete prouzrokovat će brzu i adekvatnu i efektivnu kompenzaciju, čijи iznos će biti jednak realnoj vrijednosti investicije neposredno prije nego što je "eksproprijacija ili izvlaštenje" ili prije nego je predstojeća "eksproprijacija ili

izvlaštenje" postala javno poznata na način koji utječe na vrijednost investicije. Kompenzacija će biti obračunata u skladu sa normalnom ekonomskom situacijom koja je postojala prije bilo koje prijetnje "eksproprijacije ili izvlaštenja". Navedena kompenzacija, njen iznos i uvjeti plaćanja, bit će utvrđeni najkasnije do datuma "eksproprijacije ili izvlaštenja". Kompenzacija će biti efektivno ostvariva, isplaćena bez odlaganja i slobodno prenosiva. Do datuma plaćanja, kompenzacija će uključivati kamatu obračunatu po normalnoj komercijalnoj stopi za tekuće transakcije od datuma "eksproprijacije ili izvlaštenja" do datuma plaćanja.

3. Investitorima jedne Ugovorne strane, čije su investicije pretrpile gubitke, uključujući štete uslijed rata ili drugog oružanog sukoba, revolucije, državnog vanrednog stanja ili pobune nastale na teritoriji ili pomorskom području druge Ugovorne strane, uživat će tretman od strane druge Ugovorne strane, koji nije manje povoljan od onog koji je ona odobrila svojim vlastitim investitorima ili onim najpovlaštenije nacije.
4. Pogodeni investitori bilo koje Ugovorne strane će imati pravo, po zakonu Ugovorne strane koja vrši "eksproprijaciju ili izvlaštenje", na hitno preispitivanje pred sudovima ili drugim nezavisnim organima te Strane, koje se odnosi na pravovaljanost "eksproprijacije ili izvlaštenja", njenog postupka i procjene investicije, u skladu sa principima utvrđenim u stavu 2. ovog člana, ne isključujući mogućnost pokretanja bilo kojeg spora po odredbama člana 8. ovog sporazuma.

Član 7.

Transferi

Svaka Ugovorna strana će, na teritoriji ili u pomorskom području na kojem su investicije izvršene od strane investitora druge Ugovorne strane, garantovati tim investitorima, slobodan transfer:

- a) početnog kapitala i dodatnih iznosa potrebnih za održavanje i razvoj investicije;
- b) kamata, dividendi, profita i drugog tekućeg prihoda;
- c) naknada proisteklih iz nematerijalnih prava kako su definirana u članu 1. stav 1. pod d) i e);
- d) sredstava za otplatu zajmova koji su propisano ugovoreni;
- e) vrijednosti djelimične ili potpune likvidacije ili prodaje investicije, uključujući i višak vrijednosti po osnovu investiranog kapitala;
- f) kompenzacije za "eksproprijaciju ili izvlaštenje" ili gubitak opisanu u članu 6., st. 2. i 3. ovog sporazuma;
- g) plaćanja nastalo na osnovu rješenih sporova.

Državljanima bilo koje od Ugovornih strana, kojima je dozvoljeno da rade na teritoriji ili u pomorskom području druge Ugovorne strane, kao rezultat odobrenje investicije, također će biti dozvoljen transfer određenog dijela njihovih zarada u zemlju njihovog porijekla.

Transferi navedeni u prethodnim stavovima, će biti izvršeni bez odlaganja po zvaničnom deviznom kursu koji se primjenjuje na datum transfera.

Ugovorne strane se obavezuju da takvim transferima odobre tretman ne manje povoljan od tretmana odobrenog transferima koji potječu od investicija izvršenih od strane investitora bilo koje treće države.

Ukoliko, u izuzetnim okolnostima, kretanja kapitala iz ili u treće zemlje uzrokuje ili prijeti da uzrokuje ozbiljnu neravnopravnost njenog bilansa plaćanja, svaka od Ugovornih strana može privremeno primijeniti mјere zaštite za transfere, pod uvjetom da su ove mјere striktno neophodne, da budu zavedene na pravne, nediskriminatorske i u dobroj vjeri osnovi i da ni kojem slučaju ne prelaze period od šest mјeseci.

Član 8.

Rješavanje sporova između investitora i Ugovorne strane

1. Bilo koji spor koji može nastati između jedne Ugovorne strane i investitora druge Ugovorne strane u vezi sa investicijom, rješavat će se na prijateljski način između dviju odnosa Strana.

2. Ako se takav spor ne riješi u periodu od šest mjeseci od datuma kada je iznijet od strane jedne ili druge Strane u sporu, spor će biti podnesen:
 - a) na zahtjev investitora:
 - (i) nadležnom sudu ili administrativnom tribunalu Ugovorne strane na čijoj teritoriji je investicija izvršena; ili
 - (ii) na arbitražu Međunarodnog centra za rješavanje investicionih sporova (ICSID), ustanovljenoj prema Konvenciji o rješavanju investicionih sporova nastalih između država i državljanima drugih država, otvorenoj za potpisivanje u Washingtonu 18. marta 1965. godine;
 - b) na zahtjev bilo koje Strane: na arbitražu Međunarodnog centra za rješavanje investicionih sporova (ICSID), ustanovljenoj prema Konvenciji o rješavanju investicionih sporova nastalih između država i državljanima drugih država, otvorenoj za potpisivanje u Washingtonu 18. marta 1965. godine.
3. U slučaju arbitraže po ICSID-u kada spor može uključivati odgovornost za akcije ili propuste javnih institucija Ugovorne strane kako je definirano u članu 2. ovog sporazuma, gore pomenuta javna institucija mora dati svoju bezuvjetnu saglasnost da će se koristiti arbitraža Međunarodnog centra za rješavanje investicionih sporova (ICSID), kako je to definirano u članu 25. Konvencije o rješavanju investicionih sporova nastalih između država i državljanima drugih država, otvorenoj za potpisivanje u Washingtonu 18. marta 1965. godine.

Član 9.

Garancija i subrogacija

1. Ako jedna Ugovorna strana ili agencija koju je ona odredila izvršiti zakonito plaćanje bilo kojem od svojih investitora, po garanciji ili ugovoru o osiguranju od nekomercijalnih rizika, koje je dala u odnosu na neku investiciju, druga Ugovorna strana će, unatoč svojim pravima iz člana 11. ovog sporazuma, u korist prvonavedene Ugovorne strane ili njene agencije, priznati valjanost subrogacije, bilo kojeg prava ili potraživanja koje je imao investitor.
2. Investicije izvršene od strane investitora jedne Ugovorne strane, na teritoriji ili pomorskom području druge Ugovorne strane, mogu dobiti garanciju navedenu u prethodnom stavu, samo ukoliko su one prethodno odobrene od druge Strane.
3. Ako jedna Ugovorna strana, kao rezultat garancije date za neku investiciju izvršenu na teritoriji ili pomorskom području druge Ugovorne strane, izvrši plaćanje svojim vlastitim investitorima, prvonavedena Strana ima u tom slučaju sva prava subrogacije koja se odnosi na prava i aktivnosti navedenog investitora.
4. Navedena plaćanja neće utjecati na prava uživaca garancije na prigovor na ICSID ili na nastavak pred njim već podneseñih procedura sve do završetka postupka.

Član 10.

Posebne obaveze

Investicije, koje su podvrgнутne posebnim obavezama jedne Ugovorne strane, u odnosu na investitore druge Ugovorne strane, ne isključujući odredbe ovog sporazuma, bit će regulirane odredbama posebnih obaveza ukoliko ove druge uključuju odredbe povoljnije od onih po ovom sporazumu. Odredbe člana 8. ovog sporazuma primjenjivat će se i u slučaju kada posebna obaveza ima za efekat odricanje od međunarodne arbitraže ili određivanje nekog arbitražnog tijela koje nije ono navedeno u članu 8. ovog sporazuma.

Član 3.

Ova odluka bit će objavljena u "Službenom glasniku BiH" na bosanskom, hrvatskom i srpskom jeziku i stupa na snagu danom objavljenja.

Broj 01-1236-28/04
21.jula 2004. godine
Sarajevo

Za Vladi Republike Francuske
ministar vanjskih poslova BiH
dr. Mladen Ivančić
Francis Mer

Predsjedavajući
Predsjedništva BiH
Sulejman Tihić, s.r.

For
R
P
P
N
D
D
N
21

Član 11.

Rješavanje sporova između Ugovornih strana

1. Sporovi u vezi sa tumačenjem ili primjenom ovog sporazuma bit će, ako je to moguće, rješavani putem diplomatskih kanala.
2. Ako se spor ne može riješiti u roku od šest mjeseci od datuma kada je bilo koja Ugovorna strana pokrenula pitanje, spor će na zahtjev bilo koje Ugovorne strane biti podnesen arbitražnom tribunalu.
3. Spomenuti arbitražni tribunal bit će konstituiran za svaki pojedini slučaj kako slijedi: svaka Ugovorna strana imenovat će jednog arbitra i tako imenovana dva arbitra će uz obosranu saglasnost imenovati državljanina treće države, koji će biti imenovan predsjedavajućim tribunala od strane obje Ugovorne strane. Svi arbitri moraju biti imenovani u roku od dva mjeseca od datuma notifikacije jedne Ugovorne strane drugoj Ugovornoj strani o njenoj namjeri da nesporazum podnese na arbitražu.
4. Ako periodi određeni u stavu 3. ovog člana nisu ispoštovani, bilo koja od Ugovornih strana, u nedostatku bilo kojeg drugog dogovora, može pozvati generalnog sekretara Organizacije ujedinjenih naroda da izvrši potrebna imenovanja. Ako je generalni sekretar državljanin bilo koji od Ugovornih strana, ili je na neki drugi način spriječen da obavi navedenu funkciju, neophodna imenovanja će izvršiti podsekretar - slijedeći po funkciji do generalnog sekretara, koji nije državljanin nijedne od Ugovornih strana.
5. Tribunal će donijeti svoje odluke većinom glasova. Такве odluke će biti konačne i legalno obavezujuće za obje Ugovorne strane.
6. Tribunal će odrediti svoja vlastita pravila postupka. Tribunal će tumačiti presudu na zahtjev bilo koje od Ugovornih strana. Ukoliko tribunal ne odluci drugačije, u skladu sa posebnim okolnostima, sudski troškovi, uključujući i naknade arbitra, bit će jednak podijeljeni između dvije Ugovorne strane.

Član 12.

Konsultacije i razmjena informacija

Na zahtjev bilo koje Ugovorne strane, druga Ugovorna strana će, bez odlaganja, započeti konsultacije u vezi tumačenja i primjene ovog sporazuma.

Član 13.

Stupanje na snagu, trajanje i raskid

Svaka će Ugovorna strana obavijestiti drugu o izvršenju zakonskih procedura koje se zahtijevaju za stupanje na snagu ovog sporazuma, koji će stupiti na snagu mjesec dana nakon datuma prijema zadnje notifikacije.

Ovaj sporazum zaključen je za početni period od deset godina. On će nastaviti da važi i dalje, ukoliko jedna od Ugovornih strana ne dostavi notifikaciju o raskidu, godinu dana unaprijed putem diplomatskih kanala.

Po istaku perioda važenja ovog sporazuma, investicije izvršene za vrijeme njegovog važenja, nastaviti će uživati zaštitu po njegovim odredbama za dodatni period od dvadeset godina.

Potpisano u Parizu 11. decembra 2004. godine u dva originalna primjerka, na bosanskom, hrvatskom, srpskom i francuskom jeziku, svi originali su jednakom autentični.